



ZAPISNIK
O RADU 26. SJEDNICE GRADSKOG VIJEĆA
GRADA SARAJEVA ODRŽANE 26.03.2019. GODINE

Sarajevo, mart 2019. godine



ZAPISNIK
O RADU 26. SJEDNICE GRADSKOG VIJEĆA GRADA SARAJEVA
ODRŽANE 26.03.2019. GODINE U VIJEĆNICI

Broj: 01-GV-02-408/19

Datum: 26.03.2019. godine

Sjednica je počela sa radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.**

Prisutni su bili sljedeći gradski vijećnici :

1. Mr. Hazim Bahtanović
2. Bajro Biber
3. Mr. Vedad Deljković
4. Samir Fazlić
5. Edina Gabela
6. Dr. Igor Gavrić
7. Mira Jurić
8. Prof.dr. Velija Katica
9. Miro Lazović
10. Almedin Miladin
11. Snežana Omukić
12. Lana Velić
13. Barbara Peleš Stroil
14. Mr. Srđan Simonović
15. Srđan Srdić
16. Mr. Sead Srna
17. Adnan Talić
18. Mr. Miroslav Živanović
19. Nuko Grebović
20. Vedran Dodik
21. Adnan Gušo
22. Reuf Hafizović
23. Vedran Grebo,
24. Dado Stojnić

Odsutni: Mr. Tea Mušić, Sanela Holjan, Nihad Uk (najavljeni izostanci), Toni Vukadin

Pored gradskih vijećnika, sjednici su prisustvovali:

1. Mr. Abdulah Skaka, Gradonačelnik
2. Ivica Šarić, zamjenik Gradonačelnika
3. Milan Trivić, zamjenik Gradonačelnika
4. Safet Krajišnik, sekretar Gradskog vijeća
5. Maja Hadžihalilović, rukovodilac Stručne službe gradonačelnika Grada Sarajeva
6. Sanjin Smajlović, pravobranilac Grada Sarajeva
7. Subha Krajišnik, pomoćnik Gradonačelnika za opću upravu i zajedničke poslove
8. Dragana Solaković, pomoćnik Gradonačelnika za lokalnu samoupravu i razvoj grada
9. Amela Kolovrat, pomoćnik Gradonačelnika za finansije
10. Elvir Hadžiahmetović, pomoćnik Gradonačelnika za evropske integracije i EU fondove
11. Erna Čolić, šef Kabineta Gradonačelnika Grada Sarajeva
12. Arijana Musić, ispred Gradske službe za urbano planiranje, investicije, stambene i komunalne poslove

13. Tarik Zečić, ispred Gradske službe za urbano planiranje, investicije, stambene i komunalne poslove
14. Nedžad Fazlija, ispred Gradske službe za obrazovanje, kulturu, sport i mlade
15. Faruk Čatal, ispred Gradske službe za obrazovanje, kulturu, sport i mlade
16. Nurko Čaušević, ispred JP „Olimpijski bazen Otoka“ d.o.o.
17. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
18. Alma Jašarević, članica Odbora za budžet i finansije Gradskog vijeća Grada Sarajeva

Predsjedavajući Gradskog vijeća Igor Gavrić je otvorio 26. sjednicu Gradskog vijeća Grada Sarajeva uz konstataciju da sjednici prisustvuje 16 vijećnika, da su gradska vijećnica Tea Mušić i gradska vijećnica Sanela Holjan najavile izostanak, a da je gradski vijećnik Miro Lazović najavio kašnjenje.

Sjednica je započela intoniranjem himne.

Predsjedavajući Gradskog vijeća Igor Gavrić je konstatovao da su se sjednici priključili **gradski vijećnik Miro Lazović i gradski vijećnik Samir Fazlić**, te da trenutno sjednici prisustvuje 20 gradskih vijećnika.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 18 glasova „za“, bez glasova „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je** Zapisnik o radu 25. sjednice Gradskog vijeća Grada Sarajeva održane 13.03.2019. godine.

Predsjedavajući Gradskog vijeća Igor Gavrić je najavio određivanje o aktima koji su predloženi za razmatranje u formi prijedloga po skraćenom postupku, po proceduri koja zahtjeva izjašnjavaње Gradskog vijeća o prethodnom pitanju, i to:

- Prijedlog Odluke o izmjenama i dopunama Odluke o pristupanju izradi Regulacionog plana “Kvadrant C – Marijin Dvor”, i
- Prijedlog Odluke o stavljanju van snage Odluke o kućnom redu u stambenim zgradama

Predsjedavajući Gradskog vijeća Igor Gavrić je konstatovao da Komisija za Statut i akte zadužuje Gradonačelnika da provjeri da li je Odluka o stavljanju van snage Odluke o kućnom redu u stambenim zgradama u skladu sa Zakonom o principima lokalne samouprave u Federaciji Bosne i Hercegovine i Zakonom o lokalnoj samoupravi Kantona Sarajevo, a da je Odbor za javne službe, infrastrukturu i javni saobraćaj sugerirao Gradskom vijeću da razmatra Odluku o stavljanju van snage Odluke o kućnom redu u stambenim zgradama kako je predložena, uz mišljenje da odredbe Zakona o upravljanju zajedničkim dijelovima zgrade Kantona Sarajevo, koje regulišu pravo uređenja prenosa na etažne vlasnike i kućni red, sadrže određene nedoumice.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je** prijedlog da se Odluka o izmjenama i dopunama Odluke o pristupanju izradi Regulacionog plana “Kvadrant C – Marijin Dvor” razmatra u formi prijedloga po skraćenom postupku.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, izjasnivši se sa 11 glasova „za“, četiri glasa „protiv“ i pet „suzdržanih“ glasova prisutnih gradskih vijećnika (jedan gradski vijećnik se nije izjasnio) **nije usvojilo** prijedlog da se Odluka o stavljanju van snage Odluke o kućnom redu u stambenim zgradama razmatra u formi prijedloga po skraćenom postupku, te neće biti uvrštena u današnji dnevni red sjednice.

Predsjedavajući Gradskog vijeća Grada Sarajeva Igor Gavrić je konstatovao da je dostavljen za razmatranje po hitnom postupku i Prijedlog Odluke o davanju suglasnosti na Odluku o preraspodjeli planiranih sredstava u Budžetu Grada Sarajeva za 2019. godinu.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je** prijedlog da se Odluka o davanju suglasnosti na Odluku o preraspodjeli planiranih sredstava u Budžetu Grada Sarajeva za 2019. godinu uvrsti u današnji dnevni red sjednice i razmatra po hitnom postupku.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“, bez „suzdržanih“ glasova prisutnih gradskih vijećnika **usvojilo je dnevni red 26. sjednice Gradskog vijeća Grada Sarajeva:**

1. Izvještaj o radu Gradskog vijeća Grada Sarajeva za 2018. godinu
2. Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period 01.01 do 31.12.2018. godine
3. Izvještaj o radu Pravobranilaštva Grada Sarajeva za 2018. godinu
4. Izvještaj o izvršenju Budžeta Grada Sarajeva za period 01.01. – 31.12.2018. godine
5. Prijedlog Odluke o izmjenama i dopunama Odluke o pristupanju izradi Regulacionog plana “Kvadrant C – Marijin Dvor”
6. Prijedlog Odluke o davanju saglasnosti na Odluku o preraspodjeli sredstava planiranih u Budžetu Grada Sarajeva za 2019. godinu
7. Izvještaj o provođenju Odluke o utvrđivanju sportskih manifestacija od značaja za Grad Sarajevo u 2018. godini
8. Nacrt Odluke o obilježavanju opsade Sarajeva
9. Informacija o uspjehu učenika srednjih škola na području Grada Sarajeva u školskoj 2017/2018. godini
10. Informacija o upisu učenika u srednje škole sa područja Grada Sarajeva u školskoj 2018/2019. godini
11. Vijećnička pitanja i inicijative

Ad 1)

Izvještaj o radu Gradskog vijeća Grada Sarajeva za 2018. godinu

U uvodnim napomenama **Predsjedavajući Gradskog vijeća Igor Gavrić** je podsjetio gradske vijećnike da je predlagač akta Kolegij Gradskog vijeća, da su materijal razmatrala sva radna tijela Gradskog vijeća, te da su izvještaji radnih tijela dostupni gradskim vijećnicima, a zatim je podnio uvodno izlaganje.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 21 glasom „za“, bez glasova „protiv“, dva „suzdržana“ glasa prisutnih gradskih vijećnika (jedan gradski vijećnik se nije izjasnio) **usvojilo je** Izvještaj o radu Gradskog vijeća Grada Sarajeva za 2018. godinu.

Ad 2)

Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period 01.01 do 31.12.2018. godine

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izvještaj podnio Gradonačelnik, da su materijal razmatrala radna tijela Gradskog vijeća, te da su izvještaji radnih tijela dostupni gradskim vijećnicima.

Predsjedavajući Gradskog vijeća Igor Gavrić je napomenuo da je Odbor za informatiku i telematiku Grada Sarajeva, povodom razmatranja Izvještaja o ostvarivanju politike Grada Sarajeva i aktivnostima Gradonačelnika Grada Sarajeva za period 01.01. do 31.12.2018. godine, usvojio određeni zaključak:

“Poražavajuća je činjenica da su Odbor za informatiku i telematiku Grada Sarajeva i Komisija za pitanja mladih Gradskog vijeća imali najmanje održanih redovnih sjednica u proteklom periodu”, te da je Komisija za jednakopravnost spolova donijela zaključak kojim sugerira Gradskom vijeću da razmatra Izvještaj o ostvarivanju politike Grada Sarajeva i aktivnostima gradonačelnika Grada Sarajeva za period 01.01. do 31.12., kako je predložen, uz sugestiju Gradonačelniku da se prilikom odobravanja sredstava za sportske manifestacije dâ jednaka podrška i ženskim sportskim klubovima i takmičenjima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 21 glasom „za“, jednim glasom „protiv“, jednim „suzdržanim“ glasom prisutnih gradskih vijećnika (jedan gradski vijećnik se nije izjasnio) **usvojilo je** Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period 01.01 do 31.12.2018. godine.

Ad 3)

Izvještaj o radu Pravobranilaštva Grada Sarajeva za 2018. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izvještaj podnijelo Pravobranilaštvo, te da su materijal razmatrale Administrativna komisija i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 22 glasa “za”, bez glasova “protiv” i dva “suzdržana” glasa prisutnih gradskih vijećnika, usvojilo je **Izvještaj o radu Pravobranilaštva Grada Sarajeva za 2018. godinu**.

Ad 4)

Izvještaj o izvršenju Budžeta Grada Sarajeva za period 01.01. – 31.12.2018. godine

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izvještaj podnio Gradonačelnik, da su materijal razmatrala nadležna radna tijela, Administrativna komisija i Odbor za budžet i finansije, te Komisija za Statut i akte, kao i da su izvještaji radnih tijela dostupni gradskim vijećnicima.

U raspravi je sudjelovao **gradski vijećnik Samir Fazlić**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, **većinom glasova**, izjasnivši se sa 18 glasova „za“, jednim glasom „protiv“, tri „suzdržana“ glasa prisutnih gradskih vijećnika (dva gradska vijećnika se nisu izjasnila) **usvojilo je** **Izvještaj o izvršenju Budžeta Grada Sarajeva za period 01.01. – 31.12.2018. godine**.

Ad 5)

Prijedlog Odluke o izmjenama i dopunama Odluke o pristupanju izradi Regucionog plana "Kvadrant C – Marijin Dvor"

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte, te da su izvještaji radnih tijela dostupni gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 22 glasa „za“, bez glasova „protiv“, jednim „suzdržanim“ glasom prisutnih gradskih vijećnika (jedn gradski vijećnik se nije izjasnio) **usvojilo je Odluku o izmjenama i dopunama Odluke o pristupanju izradi Regucionog plana "Kvadrant C – Marijin Dvor"**.

Ad 6)

Prijedlog Odluke o davanju saglasnosti na Odluku o preraspodjeli sredstava planiranih u Budžetu Grada Sarajeva za 2019. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik.

Uvodno izlaganje je, ispred predlagača, podnijela Subha Krajišnik, pomoćnik Gradonačelnika za opću upravu i zajedničke poslove.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“, bez „suzdržanih“ glasova prisutnih gradskih vijećnika **usvojilo je Odluku o davanju saglasnosti na Odluku o preraspodjeli sredstava planiranih u Budžetu Grada Sarajeva za 2019. godinu**.

Ad 7)

Izvještaj o provođenju Odluke o utvrđivanju sportskih manifestacija od značaja za Grad Sarajevo u 2018. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za društvene djelatnosti i Komisija za Statut i akte, te da su izvještaji radnih tijela dostupni gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova „za“, bez glasova „protiv“, bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je Izvještaj o provođenju Odluke o utvrđivanju sportskih manifestacija od značaja za Grad Sarajevo u 2018. godini**.

Ad 8)

Nacrt Odluke o obilježavanju opsade Sarajeva

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za društvene djelatnosti i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 21 glasom „za“, bez glasova „protiv“, jednim

„suzdržanim“ glasom prisutnih gradskih vijećnika (dva gradska vijećnika se nisu izjasnila) **usvojilo je Zaključak** kojim se Nacrt Odluke o obilježavanju opsade Sarajeva upućuje u javnu raspravu, a kako slijedi:

1. Gradsko vijeće Grada Sarajeva razmotrilo je Nacrt Odluke o obilježavanju opsade Sarajeva i istu upućuje u javnu raspravu.
2. Subjekti u javnoj raspravi su: sve općine u Kantonu Sarajevo, Vlada Kantona Sarajevo, Fond Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida, Univerzitet u Sarajevu i Akademija nauka i umjetnosti Bosne i Hercegovine, a kojima će se dostaviti Nacrt Odluke o obilježavanju opsade Sarajeva.
3. Za organizovanje i provođenje javne rasprave određuje se Gradonačelnik, putem nadležne službe - Gradska služba za europske integracije i EU fondove i Odbor za društvene djelatnosti Gradskog vijeća Grada Sarajeva.
4. Finansijska sredstva za provođenje javne rasprave nisu potrebna.
5. Nacrt Odluke o obilježavanju opsade Sarajeva upućuje se u javnu raspravu u trajanju do 29.04.2019. godine.
6. Primjedbe, prijedlozi, mišljenja i sugestije iznesene u diskusijama radnih tijela Gradskog vijeća i gradskih vijećnika, na sjednici Graskog vijeća Grada Sarajeva, tretirat će se kao prilog javnoj raspravi.

Ad 9)

Informacija o uspjehu učenika srednjih škola na području Grada Sarajeva u školskoj 2017/2018. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrao Odbor za društvene djelatnosti i da je uputio inicijativu koja će se razmatrati pod tačkom Vijećnička pitanja i inicijative.

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva **primilo k znanju** Informaciju o uspjehu učenika srednjih škola na području Grada Sarajeva u školskoj 2017/2018. godini.

Ad 10)

Informacija o upisu učenika u srednje škole sa područja Grada Sarajeva u školskoj 2018/2019. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrao Odbor za društvene djelatnosti.

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva **primilo k znanju** Informaciju o upisu učenika u srednje škole sa područja Grada Sarajeva u školskoj 2018/2019. godini.

Ad 11)

Vijećnička pitanja i inicijative

1.Odbor za društvene djelatnosti je uputio **inicijativu** kako slijedi.

Zadužuje se Gradonačelnik da, za sve osnovne i srednje škole u Kantonu Sarajevo u saradnji sa Ministarstvom obrazovanja, nauke i mladih Kantona Sarajevo obezbijedi postavljanje postera kraljevske dinastije Kotromanić, autora Envera Imamovića.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), na prijedlog Odbora za društvene djelatnosti, usvojilo je inicijativu koja je postala inicijativom Gradskog vijeća.

2.Gradski vijećnik Vedad Deljković uputio je **vijećničko pitanje** kako slijedi.

„Da li je Grad Sarajevo učestvovao u finansiranju izgradnje Roditeljske kuće, ako jeste s koliko sredstava?“

„Koliko je sredstava iz Budžeta Grada Sarajeva izdvojeno do sada za funkcionisanje Roditeljske kuće?“

3.Gradski vijećnik Vedad Deljković uputio je **inicijativu** kako slijedi.

„Podnosim inicijativu da Grad Sarajevo postavi turističku signalizaciju za historijske znamenitosti Žutu i Bijelu tabiju.“

4.Gradski vijećnik Toni Vukadin iskazao je nezadovoljstvo odgovorom na vijećničko pitanje postavljeno na 23. sjednici Gradskog vijeća, te je ponovo uputio **vijećničko pitanje**, koje je u prilogu ovog akta, a kako slijedi.

„Zašto Izvještaj o izvršenju Budžeta Grada Sarajeva za period 01.01. - 31.12.2017. godine nije objavljen u Službenim novinama Kantona Sarajevo kako je to propisano članom 27. Odluke o izvršavanju Budžeta Grada Sarajeva za 2017. godinu („Službene novine Kantona Sarajevo“, broj 31/17)“.

5.Gradski vijećnik Samir Fazlić, ispred **Kluba gradskih vijećnika Naša stranka**, uputio je **inicijativu**, kako slijedi.

„Podnosim inicijativu za izgradnju javne česme posvećene Karlu Ivandiću“.

6.Gradski vijećnik Samir Fazlić, ispred **Kluba gradskih vijećnika Naša stranka**, uputio je **inicijativu**, kako slijedi.

„Podnosim inicijativu da Grad Sarajevo predvidi projekat, uplanira lokaciju za izgradnju spomenika poginulim stranim državljanima u Sarajevu koji su svojim životima dali doprinos u spašavanju i liječenju građana Sarajeva, kao i humanitarnim akcijama i širenju istine kroz inostrane medije u ratnom periodu 1992-1995.“

Gradonačelnik Grada Sarajeva Abdulah Skaka je upoznao gradske vijećnike sa Protokolom obilježavanja 6. aprila - Dana Grada Sarajeva i održavanjem Svečane sjednice Gradskog vijeća.

Predsjedavajući Gradskog vijeća Grada Sarajeva Igor Gavrić je podsjetio na obavezu šefova klubova gradskih vijećnika da dostave imena gradskih vijećnika koji će prisustvovati polaganju cvijeća, u skladu sa zaključcima sa sjednice Organizacionog odbora za pripremu i realizaciju Programa obilježavanja Dana Grada Sarajeva u 2019. godini održane 25.03.2019. godine, a kako bi se Protokol mogao dopuniti.

Predsjedavajući Gradskog vijeća Grada Sarajeva Igor Gavrić je najavio da će se 27. sjednica Gradskog vijeća Grada Sarajeva održati 24. aprila 2019. godine.

Predsjedavajući Gradskog vijeća Grada Sarajeva Igor Gavrić je zaključio rad 26. sjednice Gradskog vijeća Grada Sarajeva.

Sjednica Gradskog vijeća Grada Sarajeva završena je u 10 sati i 55 minuta.

Sastavni dio ovog zapisnika je izvornik i tonski snimak o radu Gradskog vijeća Grada Sarajeva koji se čuvaju u Gradskoj službi za Gradsko vijeće.

*SEKRETAR GRADSKOG VIJEĆA
Safet Krajišnik,s.r.*

*PREDSJEDAVAJUĆI GRADSKOG VIJEĆA
Dr. Igor Gavrić,s.r.*